

Jekjekin juon armij ilo lal eo an im maron eo an (citizen in ia) iomwin kakien ñan jermal

Einwöt juon wāween ñan maron tōbrak ñan jibañ jen joortoklik eo an bōjrak jermal, kakien ko an kien eo an federal ej aikuj bwe kajojo armij ej kajitok jibañ en kallimur iomwin kaje in riab ilo mōn ekajet elañe ej juon armij eo jekjekin lal eo an (citizen ak national) ej jen Amedka. Juon armij eo jekjek in lal eo an ejab Amedka aikuj kowalok beba in kanne an rilikin ñan kamool ke emōj kōmelim an jermal Amedka.

Ra eo ej Kejbarok Jikin Jermal (Employment Security Department, ESD) ej kamool jekjekin deloñ eo an armij eo ilo juon kein jermal ej kamool maron ko an rilikin (Systematic Alien Verification for Entitlements, SAVE). Obij eo an Amedka ej lale jibañ ko an RiAmedka im Armij ro rej Deloñ ilo tok ñan lal eo (U.S. Citizenship and Immigration Services, USCIS) ej lale burokraam eo an SAVE.

Ak ñe ejab ñan juon RiAmedka imaron ke kateruru ñan jibañ ko ikijen bōjrak jermal?

Aet, armij ro jekjekin lal ko aer ejab RiAmedka remaron kateruru ñan jibañ ko an bōjrak jermal. Kwōj aikuj lelok beba in kanne eo an rilikin im ej am ñan obij eo bwe ren kamool jekjekin am bed lal in. Ekkā aer lewaj beba in ilo ien eo kwōj kanne beba. Ñe kwōjab maron letok melele in ilo ien kōmadmōde ablikajon eo reñaj kajitok am lelok beba in tōkelik.

Ta eo reñaj kajitok ibba ilo ien kōmadmōde ablikajon eo?

Ñe kwar kamool ke jekjek eo am ejab juon RiAmedka, reñaj kajitok am:

- Elañe kwar melim iomwin kakien in jermal ilo Amedka ilo allon ko 24 remootlok? Im,
- Ta beba in deloñ tok Amedka am āliktata ebed ibbam?
 - I-327 Kōmelim in bar deloñ
 - I-551 Kaat ej kowalok ej juon rijokwe
 - I-571 Beba in ito-tak an armij ro rar ko jen lal ko aer kin uwōta
 - I-766 Kaat in kōmelim jermal
 - I-94 Rekoot in Joktok/Rool
 - I-94 Rekoot in Joktok/Rool iloan juon passport an juon bar lal ejañin jemlok kūtien an jermal
 - Visa an Rilikin ear Emakūt tok
 - Jitaam I-551 an Jidik len (ilo passport ak I-94)

Ewōr aō Rekoot in Joktok/Rool I-94 iloan juon passport an bar juon lal ejañin jemlok kütien an jermal. Ta eo ij aikuj likūti?

Ñe ewōr am Rekoot in Joktok/Rool I-94 iloan juon passport an bar juon lal ejañin jemlok kütien an jermal kwōnaj aikuj kadeloñ laajrak ko:

- Nomba in passport eo am,
- Nomba in I-94 eo am, im
- Raan eo ejemlok kütien an jermal

Ewōr aō Rekoot in Joktok/Rool I-94 iloan juon passport an bar juon lal bōtab ejellok an raan in jemlok. Ta eo ij likūti?

Elañe ewōr am Rekoot in Joktok/Rool I-94 ilo juon beba in deloñ ejañin jemlok raan eo an, bōtab ejellok an raan in jemlok kinke ien deloñ eo am ear jitaam jen Ra eo ej bōk eddon Kejbarok eo an Amedka (Department of Homeland Security) einwōt ien am bed (D/S), kwōmaron lelok i-94 eo ear kōmmane raan eo ak raan in deloñ, im ejab raan eo enaj jemlok an jermal.

Ñe ej wōr wōt juon am passport ej jermal, kwōmaron likūt raan eo eñaj jemlok kütien an passport eo am jermal.

Melele in kajinet in ear itok jen Ra eo ej bōk eddon kejbarok Amedka (Department of Homeland Security).

Ta eo ij kōmmane ñe ejako I-94 eo aō?

Elañe ejellok kabe in I-94 eo am ibbam kwōmaron lolak Ra eo ej bōk eddon kejbarok Amedka (Department of Homeland Security) ñan am bōke juon kabe ilo kombutor ko ijin .

Ñe kwōjab maron bōke kabe in I-94 eo am ilo kombutor, kwōmaron kajitoke juon kabeiin .

Ña juon rijermal eo ejellok an beba. Imaron ke tōbrak ñan jibañ ko?

Aikuj wōr am beba ej kōmelim am jermal Amedka ñan am maron tōbrak ñan jibañ ko an bōjrak jermal im jibañ ko an bōjrak jermal relablok iomwin kakien in CARES an federal Bōtab, kim ejab bōk melele kin jekjekin am kar deloñ ilo ien amim lale am maron tōbrak ñan burokraam eo state ej kolla ien kakkije an baamle im taktō im ej an state (Paid Family and Medical Leave). Innem, ñe elukkun kauwōtata nañinmij eo am ak kwōj lale juon eo elukkun kauwōtata nañinmij eo an, burokraam in emaron jibañ. Bōk melele ko relablok. Bōk melele ko relablok ilo paidleave.wa.gov ak tometiempo.org.

Ñe ij bōk jibañ eo an bōjrak jermal ak jibañ ko an Kolla in Kakkije an Baamle/Taktō eñaj ke jelōte aō maron kateruru ñan juon kaat kūriin ak aō erom juon eo jekjek in lal eo an ej Amedka (citizen) iomwin kakien ko rekāāl ñan an rilikin ebōk jibañ ko an kien.

Jab. Joortoklik eo an bōjrak jermal im jibañ ko an Kolla in kakkije an baamle im Taktō rejab koba ilo [aer lale rilikin eo emōj an ebōk jibañ jen kien](#) .

Ra eo ej lale Jermal (Employment Security Department) ej juon jikin jermal/burokraam ejellok kalijeklok. Ewōr kein jibañ in roñjak ak riit ñan ro renaj kajitok im ewōr aer utamwe. Ewōr jibañ kin ukok ñan ro ejab lukkun bwe aer melele kajin belle im ejellok wonnen. Jikin jibañ ilo Washignton ñan an ejellok kalijeklok ñan ro ewōr aer utamwe in roñjak, kenono, ak lolokjen (Washington Relay Service): 711